

\*\*\*\*\*

## RAGAD ADVERTENTIE:

Kabar premili: 1 — 30 temboeng f 1.—  
Langkoengipoen, saban 10 temboeng oetawi  
kirang: f 0,50.

Advertentie limrah: f 0,15 sagaris;  
(apes: f 1,25).  
Moendoet kapatjak langkoeng saking sa-  
pisan, oetawi moendoet dados lengganan,  
tebang rembag roemijin kalijan admini-  
stratie.

Hoofdredacteur:

A. DJAJASEPOETRA.

kabantoe

REDACTIE - COMMISSIE.

\*\*\*\*\*

# SWARA-TAMA

## SERAT KABAR KATHOLIEK

== Medal saban dinten Djoemoewah. ==

\*\*\*\*\*

REGINIPOEN LENGGANAN  
SWARA TAMA

1 taoen . . . f 6,— } njoewoen kabajar  
1/2 „ . . . f 3,— }  
3 woelan . . . f 1,50 } roemijin.

Adresipoen Redactie lan Administratie

IGNATIUS-COLLEGE

DJOKJAKARTA.

Telefoon no. 795.

\*\*\*\*\*

Drukkerij „Canisius“ Djokja.

## ISINIPOEN:

Balé Agoeng ing tanah kedjawèn  
— Katoer sadèrèk Tjiptamaja —  
Dradjadiipoen randaning prijantoe  
kaoem boeroeh Indonesia — Sam-  
bet rembag — Ing sapoetjaking  
panggoeng Economie — Wawasan  
bab kasoesastran Dj. — Siti bokongan  
ing pakek Wedi — Saking pakem-  
palaan — Ontjen sekar gambir melati  
— Oerap-sari — Correspondentie.

## PRADJA RAHAJOE.

## BALÉ AGOENG ING TANAH KADJAWÈN.

Toeroenan katrangan toemrap  
rèng-rèngan pranatan bab adegipoen  
Balé Agoeng.

Bab wontenipoen rèng-rèngan  
pranatan.

Nalika sakiwa tengenipoen taoen  
1918, papréntahan angroemaosi per-  
loenipoen amoeopoe padjeg plaatse-  
lijke belasting badé kanggé waragad  
toemrap kaperloean locaal boten anj-  
rambahi ing sadaja wewengkonipoen.

Ada-ada bab ngwontenaken ge-  
meenteraad.

Ingang kagalih langkoeng pra-  
jogi inggih poenika ngwontenaken  
gemeenteraad toemrap ing bawahing  
Soerakarta toewin ing bawah Nga-  
jodjakarta.

Sakawitipoen moerih sagedipoen  
moepoe padjeg plaatselijke belasting,  
woesananipoen inggih moerih saged-  
ipoen wonten babadan ingkang mi-  
nangka wawakilipoen tijang isi na-  
gari.

Bab badé ngwontenaken gemeen-  
teraad toemrap ing bawah Soera-  
karta lan ing bawah Ngajogjakarta,  
inggih karembag ramé wonten ing  
Volksraad sarta wosing rembag waoe  
gemeenteraad kaadjeng-adjeng sa-  
geda kaanggep minangka wawakil-  
ipoen tijang isi nagari.

Pamrajoginipoen ingkang Sinoe-  
hoen Kangdjeng Soesoehoenan bab  
ngwontenaken gemeenteraad sarta  
panjoewoenipoen Boedi Oetama toe-  
win Narpa Wandawa.

Nalika taoen 1919, ingkang Si-  
noehoen Kangdjeng Soesoehoenan  
amrajogékaken soepados ing Soera-  
karta dipoenwonteni gemeenteraad,  
sarta boten dangoe sadèrèngipoen  
ingkang Sinoehoen Kangdjeng Soe-  
soehoenan kagoengan pamrajogi  
waoe, pakempalan Boedi Oetama  
sarta Narpa Wandawa sami nglair-  
aken pangadjeng-adjengipoen bab  
wontenipoen gemeenteraad.

Pamanggih warni-warni bab wa-  
wasasan saepami Gemeenteraad di-  
poenwonteni saking Kg. Goepermèn.  
Sareng badé adegipoen gemeen-  
teraad saperloenipoen ladjeng noe-  
woehaken wawasan warni-warni.

Mitoeroet wawasan ingkang sa-  
kawit Gemeenteraad pantesipoen  
kedah dipoenwonteni saking Kang-  
djeng Goepremèn, sarta mawi wa-  
watan, decentralisatie wetgeving,  
wawasan ingkang sakawit waoe  
ladjeng dipoenpabeni djalaran won-  
ten pakéwedipoen, kadosta:

Saoepami gemeenteraad saestoe  
dipoenwonteni saking Kangdjeng  
Goepremèn poenika dados wadjib-  
ipoen gemeenteraad inggih namoeng  
bab babagan ingkang taksih dados  
pangowasipoen Kangdjeng Goe-  
permèn, mitoeroet pradjandjian-pra-  
djandjianipoen para Nata, pramila  
pranatan saking gemeenteraad waoe  
boten saged toemindak toemrapi-  
ng kawoelanipoen para Nata, sarta an-  
gènipoen gemeenteraad damel pra-  
natan, sagedipoen katjepeng per-  
loenipoen, inggih angemoengaken  
manawi para Nata dangan ndawoeh-  
aken pranatan ingkang noenggil soe-  
raos, toemrapi kawoelanipoen ing  
kita kradjan nagari.

Bab wawasan saepami gemeen-  
teraad dipoenwonteni saking para Nata.

Awit ingkang kaseboet ing nging-  
gil waoe ladjeng kagalih sakétja-  
nipoen saepami gemeenteraad di-  
poenwonteni saking para Nata.

Bab poenika ladjeng karembag  
akalijan para Nata, sarta nalika  
taoen: 1920, Kangdjeng toewan Di-

recteur van Binnenlandsch Bestuur  
dateng ing Vorstenlanden, angla-  
djengaken rembag bab gemeenteraad  
waoe ingkang saweg katantoeaken  
panggalihipoen para Nata.

Bab oesoelipoen Tjipta Mangoen-  
koesoema, Volksraad nalika taoen:  
1920.

Ingang ndjalari Kangdjeng toewan  
Directeur van B. B. dateng ing Vor-  
stenlanden poenika saking raméni-  
poen rembag ing Volksraad nalika  
parepatan ing salebetipoen ta-  
oen: 1920, sabab saking oesoelipoen  
Tjipta Mangoenkoesoema lidipoen  
Volksraad ingkang angemoe raos  
andèrèk soepados ing Vorstenlanden  
dipoenwonteni gemeenteraad.

Datengipoen Kangdjeng toewan  
Directeur van B. B. ing Soerakarta lan  
ing Ngajogjakarta perloe ngrembag  
bab gemeenteraad.

Sareng toewan Directeur Broek-  
veld anjagahi kalajan terang saking  
keparengipoen Kangdjeng Goep-  
ermèn badé dateng Soerakarta sarta  
Ngajogjakarta perloe ngrembag bab  
gemeenteraad, oesoelipoen Tjipta  
Mangoenkoesoema ladjeng kasoe-  
woen sandénipoen.

Awit saking rembagipoen Kang-  
djeng toewan Directeur Broekveld  
para Nata wosipoen ladjeng sami  
kepareng anjondongi bab ngwonten-  
aken gemeenteraad, malah ingkang  
Sinoehoen Kangdjeng Soesoehoenan  
anggenipoen kepareng anjondongi  
sampoen nalika salebetipoen taoen  
1919 sarta bab poenika Kangdjeng  
Goepermèn inggih ladjeng paring  
soemerep ing saperloenipoen, nalika  
parepatanipoen Volksraad ingkang  
nembé pijambak.

Badé kasambet.

## KATOER SADÈRÈK TIJPTAMAJA.

(Serat kintoenan).

Noewoen!

Moegi sampoen ndadosaken peng-  
galih. Ing sarèhning koela dèrèng  
mangertos, taksih godjag-gadjeg  
anggen koela badé negesaken, njo-  
merepi karsa pendjenengan, toe-  
mrapi orèhan pendjenengan won-  
ten ing taman Sw. Tm. no. 45, tg.  
7 Nov. 1930 lembaran no. 2, ing-  
kang atitel Gawat . . . awas!!!!  
minggog kapengker poenika, wonten  
pengendika pendjenengan:

Kanggé koela pijambak angetjoel-  
ken rembag kasoesian kalijan  
golongan ndjawi boten wani,  
djalaran ngrikoe boten betah dateng  
kasoesian . . .!!!! Ingang poenika  
moegi kaparenga koela njoewoen  
keteranganipoen, kados-poendi ka-  
djeng pandjenengan toemrapi tem-  
boeng kasoesian toewin gol-  
ongan ndjawi ing oekara  
poenika? Awit temboengkan meka-  
ten, saged oegi ndjalari kawontenan,  
pengraos, ingkang boten sekétja  
kanggé golongan ndjawi.

\*.\*

Noewoen!

Toemrapi ngakatah, temboeng  
kasoesian, ateges: tandang, tindak,  
tindak-tandoe ingkang prajogi  
kanggé oemoem.

Toemrapi kita gotrah Katholiek,  
jèn ngetjoelaken temboeng: golongan  
ndjawi, ateges tijang (golongan)  
ingkang boten toemoet (nglampahi)  
agami Katholiek. Dados inggih toe-  
moedjoe dateng golongan Abritan,  
National, Islam, Mohammadjah,  
Protestant l. s.p.

Poenapa inggih boten mekaten,  
noen?

Ingang poenika, poenapa pe-  
ngendika pandjenengan waoe: dja-  
laran ngrikoe = (golongan ndjawi)  
boten betah dateng kasoesian, boten  
badé damel serik, ntoni manahi-  
poen golongan ndjawi ingkang sami  
karsa toemoet ngoedi dateng ka-  
soesian ingkang prajogi lan karsa  
nandangi merangi kasoesian ing-  
kang boten prajogi.

O, moegi koela atoeri ènet se-  
dèrèk! Sw. Tomo boten namoeng  
dipoenwaos déning gotrah Katholiek  
kémawon, dalasan golongan ndjawi  
oegi toemoet maos. Boektinipoen??  
— Bokmanawi kanggé golongan  
kita ingkang sami ngasta pandamelan

wonten ing pamoelangan Gouver-  
nement-an, ingkang karsa ngebon  
Sw. Tm. sampoén naté menangi,  
jèn wonten tepangan oetawi kantja  
ingkang karsa moendoet ngampil  
mriksani isinipoen. (Tepangan waoe  
inggih golongan ndjawi lol)

Dados ing tembé, boten kénging  
boten pangendika pandjenengan  
poenika badé soemrambah dateng  
poendi-poendi.

Inggih ta, jèn namoeng makaten  
boten dados poenapa-poenapa, na-  
nging mangké jèn ngantos kanggé  
ngetjap Sw. Tm. serat kabar Kath-  
oliek kelahiran Indonesia, dipoen-  
wastani isi . . . . . kirang tjeta,  
kirang maton lan katah boten nja-  
tanipoen. Rak kodjoer!!!

Wah, hm. Galo delengen isiné  
lajang kabar Katholiek (Sw. Tama),  
ana oekarane sing wosé, ngarani  
golongan ndjaba pada ora boetoe  
marang kasoesian. Hm. Apa mangko-  
no koewi njata ta? Lha, gèk golongan  
ndjaba sing endi? Apa golongan:  
Abangan, apa National, apa Islam,  
apa Moh., apa Protestant. l. l. l? Jak,  
ja bener gotongan-golongan  
ikoe maoe ana sing ora boetoe  
marang kasoesian, nanging rak ja  
akèh ta sing boetoe marang ka-  
soesian.

Karo manèh, apa pengirané moeng  
golongan Katholiek baé ta sing  
boetoe lan mèloe ngoedi marang  
betjiking kasoesian ikoe? Lha,  
pandjenengané ki Adjar Déwantara  
kaé sapa ta? Golongan endi? Na-  
nging teka ija karsa ngoedi marang  
betjiking kasoesiané rajat Indonesia,  
srana medar sabda ana ing pekoem-  
poelan (golongan ndjaba), jèn anané  
advertentie saroe, anané boekoe  
watjan saroe ikoe mbebajani banget  
toemrapi kasoesian. Pandjenen-  
ané wanti-wanti banget, adja nganti  
. . . . . pada kèloe matja boekoe  
oetawa ndeleng advertentie maoe.

Kedjaba koewi ija isih akèh pri-  
jaji kakoeng oetawa poetri golongan  
ndjaba sing pada medar sabda lan  
karsa merangi toemrapi kaanan-  
kaan sing ndjalari roesaking ka-  
soesian.

Hm! Goemoenkoe teka ana sing  
wani mantjahi. Nanging bareng . . .  
di . . . !!!Ha, hak!

Sampoén namoeng poenika atoer  
koela. Jèn wonten keladoeking tem-  
boeng koela kémawon, moegi sam-  
poen ngantos ndadosaken penggalih.

Noewoen!

P.angrdj. 13-11-'30.

Aksamanta: (oegi bapaking

laré Gouvernement-an).

PERCY BLAKENEY.

### DLADJADIPOEN RANDANING PRIJANTOEN KAOEM BOEROEH INDONESIA.

(Ènet lan awas!!!)

Jèn kita bangsa wanita sami kersa  
menggalih gesang kita pijambak-  
pijambak, kados-poendi kadadosan-  
ipoen ing tembé wingking, temtoe  
kita ladjeng karaos ngeres ing ma-  
nah, karaos sangsara lan ngrekaos.  
„Ènet lan awas lo, sadèrèk koela  
wanita sadaja ingkang kagolong  
iboe Indonesia!

Kita sampoén bingah-bingah ngra-  
osaken dados garwaning prijantoe  
kaoem boeroeh ingkang saban wo-  
lanipoen nampèni balandja galetèk,  
wonten ingkang f 50, wonten ing-  
kang f 100 — f 200 — f 300 lsp.  
. . . . . Ééééé boten kénging jèn  
kita ladjeng mongkok kagoengan  
garwa pangkat commies, onderwijzer,  
wedana lan sanès-sanèsipoen lan kita  
ladjeng boten poeroen jèn kaseboet  
„mas” oetawi „masadjeng Krama”;  
— kersanipoen kasebat „radèn-ajoe  
Kramaningrat”, kados kaprahipoen  
djaman sapoenika, saban tijang ma-  
nganggé rasoe kan petak oetawi bo-  
djon pangkat tèk-tèkbèngèk, ladjeng  
minggah pangkat sekedik kémawon,  
— mangka sedjatosipoen namoeng  
si Bawoek.

O para sadèrèk, sadjatosipoen  
„titel” poenika ngewrat-ewrati lam-  
lah kita, anggen kita sami anggajoe  
dateng kamardikaning tanah-rah kita

pijambak. Dongipoen tjaranipon ti-  
jang badé bètjèr (balandja) dateng  
peken makaten tjekap blas ambekta  
tènggok oetawi krandjang kanggé  
wadah bètjèran; sareng neda kase-  
bat „R. A.” jèn boten mawi selop  
djinggring lan boten kadèrèkaken  
isin. Oh memelas sanget, jèn kita  
para wanodya Indonesia sami kados  
makaten! . . . . .

Koela waoe sampoén tjrijos „È-  
ngèt lan awas!” sampoén bingah-  
bingah dados garwaning prijantoe  
. . . . .

Sadèrèk koela sadaja, sadjatos-  
ipoen gesang kita bangsa wanita  
Indonesia poenika saprika-saprika  
taksih doemawah ing kasangsaran;  
taksih gesang ingkang dèrèng sam-  
poerna.

Tjobi koela atoeri njektosi!!!

Rikala kita sami taksih gesang  
seserangan kalijan garwa kita ing  
ngalam donja, gesang kita sami se-  
neng-seneng, bingah, tampi balandja  
saban woelan, wonten ingkang katah,  
wonten ingkang sakedik, rak inggih  
ta? Seneng malih jèn garwa kita  
minggah pangkat lan mindak ga-  
djihipoen. Ladjeng saged gesang  
ingkang langkoeng saé tinimbang  
waoenipoen. Saged toembas katen  
lan katen. Dangoe-dangoe ladjeng  
mendem. Mendem pangkat, mendem  
banda, mendem penganggé, mendem  
dara lan R. A.” lsp. ngantos ndados-  
aken kesoepean dateng asalipoen lsp.

Rak katah ta tijang ingkang ka-  
dos makaten waoe? Heeem, kénging  
sadèrèk, kita bingah-bingah l.s.s.  
nanging sampoén ladjeng keladoe-  
ken, ingkang ladjeng ndadosaken  
mendem waoe. Kita kedah ngemoeti  
gesang kita ing tembé wingking  
jèn kita katilar séda garwa kita  
pijambak-pijambak. Tjobi mangké  
kados poenapa kawontenanipoen . .

Saoepami garwa kita séda, kang  
mangka kita taksih ènem lan poe-  
tra-poetra kita taksih sami alit-alit  
toer dèrèng wonten ingkang tjoe-  
mantel satoenggall-toenggalla, lan  
gesang kita sawoelanipoen ndem-  
neman, — ladjeng kados-poendi,

Kita sadaja rak sampoén priksa  
pijambak ta jèn tijang ndem-deman  
makaten moeroegaken sangsara?  
Moeroegaken njrantil, soegih oetang  
ngalèr ngidoel lsp?

Sapoenika kados poendi jèn gar-  
wa kita séda??? „Kita dados  
randa toer randa tanggoeng, omah  
soewoeng, djogan ndjembroeng, won-  
tenipoen namoeng bingang lan ka-  
doewoeng. Dangoe-dangoe kita da-  
dos gembloeng”

Kados-poendi jèn poetra-poetra  
kita ingkang taksih kemroewet waoe  
sami nangis karaos loewé?, „boe . .  
djaloek ma'em, djaloek doewitè sa-  
sèn gotoekoe getoek?” . . .

Sabribil gowèng kémawon kita  
boten saged njoekani. Gadah jatra  
saking poendi? . . . Saking an-  
gènipoen njamboet damel? . . .  
Njamboet damel poenapa? . . . Da-  
dos goeroe poenapa klerke? . . .  
kita boten sadaja saged njerat (toe-  
lis) lan boten sadaja wedalan se-  
kolahan? . . . Sadéjan? . . . sadé  
petjel, njoengi tampah lan anggèn-  
dong tenggok? . . .

kita isin boten saged nglampahi,  
awit kita sampoén koelina dipoen-  
„dara-dara”, „dara-dèn-ajoe; dipoen-  
imbeti „dara radèn-ajoe” dana of  
commies of zetter of setèn-setèn.

Dos-poendi sapoenika? Waah  
djoedeg!! Ngambroek dateng sadè-  
rèk? . . . O, kita boten kénging  
ngendelaken gadah sadèrèk dados  
Dokter of Kandjeng of Djengdral-  
belang lsp. awit sampoén sami dé-  
né gadah koewadjiaban pijambak-  
pijambak ingkang langkoeng awrat;  
inggih poenika mragadi poetrani-  
poen pijambak-pijambak. Poenapa  
malih kita sampoén dédé koewa-  
djiabanipoen sadèrèk kita malih.  
Ladjeng dos-poendi malih? . . .  
„Ja ndjaloek „pensijoen” njang  
nagara!”

„Heeem pring djomplang, ling  
gampang!” mevrouw Atma mèsè-  
m: „Kaja djaloek njang wong toewané  
dèwé baé; . . . . . sing lagi njang

wong toewané dèwé baé ora mesti  
éntoek, ora mesti diwèhi, dadak  
djaloek njang nagara” . . . . .

Waaah sadèrèk koela sadaja, kita  
ladjeng kapeksa ngeloès dada lan  
nangis, awit roemaos sedih lan  
sangsara.

„Ooo rasané dadi randaning  
prijaji kaoem-boeroeh! Ooo dladja-  
ding randa Indonesia! . . .

Sinten ingkang boten toemoet  
ngeres? Para sadèrèk koela wanita  
sadaja, mila kita perloe sanget jèn  
kita sami ngawontenaken pakem-  
palaan „poetri” pijambak-pijambak.  
Lan perloe sanget loembet dados  
warganing P. P. I. I. (Perikatan Per-  
koempoelan Isteri Indonesia) ing-  
kang katingal katah djasanipoen  
prekawis kabetahaning bangsa wa-  
nita Indonesia. Jèn koela boten ke-  
soepèn, kados-kados P. P. I. I. sam-  
poen naté damel voorstellen dateng  
regeering prekawis „weduwen-pen-  
sioen” (pensioen randa) kanggé  
bangsa randa, randaning prijantoe  
poenggawa negari. Regeering oegi  
migatosaken prakawis waoe. Lan  
regeering oegi „badé” maringi pen-  
sioen dateng randa-randa Indonesia,  
ingkang katilar séda garwanipoen.  
Nanging ngantos saprika-saprika teka  
dèrèng wonten kanjataanipoen. Ka-  
dos-poendi poenika? Waah sedja-  
tosipoen kita soesah jèn mireng  
temboeng „badé” makaten, djer dè-  
rèng kénging katemtokaken. Kados-  
poendi malih? . . . Mila kita kedah  
„trimah kasih” dateng tradjanging  
P. P. I. I. ingkang njamboet damel  
kanti pajah lan keras, margi an-  
djoendjoeng dladjading iboe Indo-  
nesia” lan tanah rah kita pijambak.

Panoetoeping seratn koela, kita  
memoedji, moegi-moegi P. P. I. I.  
sageda lestantoen gesang ingkang  
soeboer!

Hideoelap P. P. I. I.!!!!

N.B. Jèn prekawis poenika waoe ka-  
anggep perloe, kénging kasambet malih!  
Taklim.

Mevr. C. Soetjilah Atmosoedarma.

## ONDERWIJS.

## SAMBET REMBAG.

Mitoeroet orèhanipoen sedèrèk  
M. wonten ing Swara-Tama No. 46  
bab Goeroe Doesoem + Missie.

I. gampil tepangipoen.  
II. didikan ingkang katampi.  
III. seserepan Agami.  
IV. Canisius Stichting - goeroe-  
doesoem.

V. seserepan.  
I. Pantjen kasinggihan; nanging  
oegi saged dipoen-gegoelang. Oe-  
pami: ing satoenggiling panggenan  
wonten pepanggihan, ing rikoe sa-  
ged ngoepados tetepangan. Lan  
ingkang langkoeng perloe: oemoer-  
ipoen moerid cursus sam-  
poen ngantos kenèmen, jèn  
kenèmen temtoenipoen kirang pra-  
jogi.

II. Saking roemaos koela didikan  
ingkang katampi oeger sampoén  
kénging kanggé netepi koewadjiaban-  
ipoen kémawon sampoén tjekap.  
Mitoeroet tjéntanganipoen Rama  
Red. ing Moentilan + Mendoet  
sampoén wonten Internaat kanggé  
sedèrèk cursus g. d. Poenapa ing  
sanès panggenan dipoenwonteni  
Internaat boten prajogi? Temtoe  
langkoeng saé, langkoeng prajogi.

III. Poenika pantjen inggih mbe-  
tahaken sanget. Ing Ngajodja sam-  
poén wonten cursus Chatechist lan  
oegi wonten sawatawis sedèrèk g.  
d. ingkang ndèrèk.

Poenapa ing panggenan sanès  
ingkang tjangjipoen Kath. sampoén  
katah boten saged madeg?

Koela mireng ing cursus g. d.  
Katholiek Dk. sampoén mawi didikan  
Agami. Poenapa njata Rama Red?  
Jèn makaten saja prajogi.

IV. Mitoeroet tjéntangan Rama  
Red., ing Mendoet sampoén nin-  
dakaken. Poenapa ing sanès pang-  
genan boten prajogi dipoentindak-  
aken???????

Nanging temtoenipoen langkoeng  
saé jèn Canisius Stichting kagoengan  
S. O. pijambak.



d). Spreker ngandaraken bilih djamana samangké missionarissen soembar ing poendi poendi nedya mitoleongi: gotrah-gotrah sanès! Spreker ngandaraken sapinten rekaosipoen para Pastoor, Broeder, Zuster ingkang sami makarya wonten ing tanah Afrika, Amerika, Madagaskar, Hindoe; tn. Tijna, tjekak ing poendi<sup>2</sup> panggenan-panggenan; langkoeng-langkoeng ingkang wonten samadyaning bangsa ingkang dèrèng madjeng; njata rekaos sanget: mangka taksih ngraosaken alangan-alangan „kekirangan“ toewin pandakwa-pandakwa ingkang boten njata, terkadang saking tarékahing mengsah. Ewasamanten sadaya waoe boten kapaloew; wontenipoen namoeng moendi timbalan Dalem Pangéran.

Missie wonten ing poendi-poendi panggenan, nedya ndjoendjoeng dradjading bangsa ingkroek ing sasada-sedajanipoen. Para ngoelama nedya ndidik soepados prakawis agami saja dangoe sageda kaeroes ing bangsa ngkroek pijambak! Babagan panggoelawentah, wontenipoen onderwijs-actie kadjendrehaken kanti tjeta. Kanti „in de jeugd ligt de toekomst“ spreker mbombong dateng adi-adinipoen, sampoen ngantos adrih kangélan. Saladjengipoen nerangaken actiening missie lan vrouwenvraagstuk lan kamadjenganing kaoem lboe. Spreker ngandaraken sapinten awrateng sesanggenipoen kaoem lboe. Tangining kaoem lboe ingkang ladjeng ngertos dateng sepinten loehoering koewadjabanipoen poenika pambijantoe ingkang boten kénging kaétang aasipoen kangéning P. Soetji, makaten pangandikanipoen Mgr. M. G. Vuytsteke! Spreker accoord sanget kalijan oleok<sup>2</sup> saking R. A. Kartini „In de handen van 't moeders 't kind, de toekomst.“ Kanti lelandasan pangandika Dalem Sri Nata Pandita Pius IX i.p. „Geef mij goede moeders, dan zal ik de wereld bekeeren“ spreker damel bandingan, saha ngatoeraken kawontenaning lboe ing sadjawining kikiis kita, lboe ing djagad kapir. Saladjengipoen ngandaraken pakarjaning para missie zusters ingatasing ndjoendjoeng dradjading lboe-lboe sageda dados lboe ingkang sedjati, lboe oetami. Kanti pandjaj lebar spreker ngandaraken pakempalan wanita ing Missie—Toerki lsp. congres wanita ingrika, ladjengipoen internationale vrouwen congres ing Italië, saha dawoeh-dawoeh saking saandap Sampéjan Dalem I.S. Kg. St. Rama Pius XI dateng para lboe-lboe.

lboe-lboe Kath. kadawoehan ngoedi mangsoelaken saénig kasoesilan wonten ing djagad pasrawoengan, kadawoehan merangi moderngeest — boekoe awon lsp.

Ing tanah-tanah Kath. katah pakempalan-pakempalan ingkang wosipoen nedya ndjoendjoeng dradjading kaoem lboe ing tn. missie: oep.: ada-adinipoen: Katharina Schijne van Paffenburg — St. Melanivereiniging lsp.

Tjekak lboe Katholik awrat sesanggenipoen: lboe Katholik moelja loehoer koewadjabanipoen! Tangining lboe Kath. poenika pambijantoe ingkang ageng sanget kangéning P. Soetji! Tangining lboe Kath. Indonesia pambijantoe ingkang boten sakedik kanggé missie ing Indonesia!

e). Saladjengipoen preloe nerangaken pakempalan-pakempalan ingkang manggalihi dateng missie, pakempalan-pakempalan ingkang mbantoe dateng missie—oepaminipoen: De Propaganda Fide — (Genootschap tot voortplanting des geloofs — Priesters Missiebond (Unio cleri pro missionibus) 't Genootschap der H. Kindheid — Pakempalan Santo Petrus ingkang manggalihi bawoeraning ngoelama pribumi lan Nationale raad-ipoen i.p. tjabang pakempalan St. Petrus—De St. Petrus Claverbond voor de missie in Afrika — Het Godvruchtig werk van de H. Fr. Xaverius voor Ind. Catechisten — 't Genootschap vrouwen helpers' der missie — De Vereniging tot Steun aan vertrekkende missionarissen — namoeng kapendetan ingkang ageng-ageng kémawon; sadaya waoe kasoeakan toelada lelabetannipoen saha tradjangipoen.

f). Ladjeng mbabadaken missie ing tn. Indonesia wiwit djamana ngoelama Portegis abad 16 makarya ingriki ingkang ladjeng kapaksa kondoer, nilar pakarjan loehoer, margi datengipoen V.O.C. — Margi bar-kahing Pangéran abad 19 tn. Indonesia menga malih kanggé oetoesaning P. Soetji: ingkang ladjeng th. 1808 tn. Djawi karawoehan ngoelama golongan „wereldgeestelijken“ th. 1859 rawoehipoen ngoelama Jezuleit—ngantos doemoegi samangké missie ing tn. Indonesia tansah saja mindak madjeng; lan boten sakedik lelabetannipoen kanggé kamadjenganing tn. Indonesia!

g). Bab pambijantoeipoen Kadang Katholik Wlandi ing Nederland — ageng sanget, katah sanget. — Sadèrèk Kath.: ing nagari Wlandi pantes sinoedarsana—. Para ngoelama nagari Wlandi tansah nenangi manahing para Katholik ingrika moerih njaoera „Eereschuld“ dateng tn. Indonesia — djer sinten ta ingkang damel beraning missie ing Indonesia ngantos 3 abad laminipoen? Inggihi voorvaderen Wlandi!

V. Koela ngakeni bilih seserepanipoen sadèrèk g. d. poenika taksih kirang sanget, tjoto. Dados betah Penoentoen. Ing golongan R.K. kados sampoen katah prijantoe ingkang saged-saged. Kados déné: Goeroe Kasoeltanan, Goeroe Bantoe, N.S. Kw.S. lan sanèsipoen sampoen gadah, sampoen ngempal.

Poenapa Goeroe Doesoen Kath. ingkang langkoeng perloe (toedjoe-nipoen) boten saged ngempal ingkang ladjeng katoentoen ing salah satoenggiling prijantoe kasebat nginggil?

Mila mangga para sadèrèk Goeroe Doesoen Kath. sami ngempal!!! Ing Ngajodja sampoen wiwit ± warg 25. Mangga sanès panggenan, sampoen mèndel kémawon.

Déné bab organa lan indaking seserepanipoen sadèrèk g. d. Kath. koela soemanggakaken ing ngarsaning Bestuur Canisius Stichting. Soepados goeroe-goeroenipoen doesoen sampoen ngantos kawon mon-tjèr menggahing panggoela-wentah-ing laré. Noewoen!!!!!!

Gemampang 18 Nov. 1930. Taklim koela laré g.d. SOE-DIRDJO.

Spreker njoengolaken nawala saking Mgr. H. van de Wetering dateng para ngoelama Parochie ing Aartsbisdom Utrecht th. 1908 wosipoen soepados sad.: Kath.: ing koekoeban dalem ndanakna bandanipoen kanggé mitoleongi missionarissen ing Hindia Kilen lan Indonesia—.

Pangandikanipoen minister Idenburg wonten le. Kamer th. 1909 nalika ngrembag begrooting Hindia — kirang langkoeng oegi makaten:

Actienipoen Indische Missie Vereniging ada-adinipoen tw. W.H. Bogaard makaten oegi serculairpoen ingkang dateng sad.: Kath.: Walandi ketandan W.H. Bogaard. lan Mgr. M. J. D. Claessens, kawaos, katoeplik ingkang wigatos-wigatos—. Actie St. Melania Vereniging — Nationale Raad tjabang Pakempalan St. Petrus ing Rome — lan sanès-sanèsipoen. Tjekak sad.: Kath. ing nagari Walandi „boleh bangsa karena igamannya“.

h). Ngandaraken Panggalihan Dalem I.S. Kg. St. Rama Pius XI kalijan Missieactie — sanget manggalihi! Wontenipoen „Internationale Missiecongres th. 1922 — Pindahing pakempalan ingkang manggalihi soembaring agami dateng Rome — wontenipoen Missie-tentoestelling th. 1924 — panenangi Dalem dateng para tetijang Katholik ingkang sami soedjarah dateng Rome nalika th. Soetji i.p. th. 1925 soepados tetijang saja nggreget pambijantoeipoen dateng Missie — Museum barang-barang saking tn. Missie inggihi saking ada-ada Dalem, spreker njoelik dawoeh Dalem ingkang kawrat wonten ing Encyclic „Rerum Ecclesiae“ soepados sadaya tijang Kath. boten isin dados tijang priman kagem Sang Kristoes! Ngendikakaken bab Missie — Ngendikakaken tjoeplik nawala dalem ingkang dateng para Bishop ing nagari Tiongkok. — Missie ing tanah Tiongkok saged saja mbijet wohipoen jèn missionarissen loewar saking panjana-njana ingkang boten njata — panjana-njana — klèntoe i.p. missionarissen kadakwa dados pirantosing negari — dados pirantosing pradja sanès! Missionaris makaten oetoesaning Pangéran nanging dédé batoeiring djagad!

i). Kados-poendi saged kita mbijantoe Missie! Tjekak aos srana pasembahjangan kita — srana banda — srana djomangkah wonten ing K. Actie. — Spreker nerangaken bilih sociale verenigingen Kath. Djawi sapoenika saweg badé tjantjot, mbetahaken pambijantoe saking sad. Katholik sadaya — spreker nerangaken saha propaganda sapinten loehoering koewadjabanipoen K. W. — W. K. — Van Lith Stichting — P. Dama — Moeda Katholik — Morgenster lsp.

Ing saladjengipoen gandeng kalijan dawoeh Dalem Kg. St. Rama Pius XI babagan missionarissen kadakwa dados pirantosing negari — missionarissen kadakwa tjampoer lan prakawis politik, kanggé tn. Indonesia missionarissen poenika kadakwa nenoetoe soepados tijang Kath. sampoen ngantos moeltiek. — Wontenipoen I.K.P. lan P.P.K.D. satoenggiling boektu njata bilih missionarissen pantjen soemgikr lan babagan poenika. Para sad. Kath. kaatoeran migatosaken!

Doemoegi samanten tjoeplikaning sesorah ingkang pantes koela pèngeti.

Pangarsa P.P.K.D. atas namaning pangreh tjampoeran ngatoeraken genging panoeuwen dateng spreker: makaten oegi ladjeng meling dateng para moeda toewin para sepoeh, katah-katah lan mentes!

Saladjengipoen wonten sadèrèk sawatawis ingkang ngetingalaken bingah lan mongkoging manah mirengaken sesorah waoe; kados-kados ladjeng gadah gregat énggal!\*)

Rama G.A.J. Schots als. G.A. pandjengnipoen ngendikakaken „terimakasihnja“ dateng spreker déné sampoen ndanakaken „tenaga“ ingkang boten sakedik kanggé voorbereiden. Kados déné Pastoor pandjengnipoen ngendikakaken renaning panggalih déné spreker nggoeog sadèrèk-sadèrèkipoen soepados saja tresna dateng Missie; saja nggreget pambijantoeipoen. Lega sanget déné spreker nglebet-nglebetaken „solidarisme“ dateng sad. Kath. Djawi; saha moendoe moegi kasasahan saha riberidipoen sad. Kath. ing tn. mantja, sad. Kath. Djawi toemoeta ngraosaken, toemoeta manggalihi.—

Wakil W.K. sad. Th. Soalbirah gega-joetan kalijan pangandikanipoen spreker „toemoet-toemoet njamboet damel mawi kringet kita pijambak“ oleok-oleok bilih W.K. — K.W. — P.P.K.D. badé ngadani onderwijsactie! Makaten oegi spreker mbombong dateng para adi-adinipoen estri, sami adjara njamboet damel mbantoe Missie, srana ngempal wonten ing W.K. — W.K. badé mitoleongi. — Spreker katingal sanget, kepénging sanget ada-ada W.K. kinderaf-deeling.

Wasana ± djam 12 parepatan katoetoe kanti soesila Katholik!

Verslaggever C. C. Solo.

\*) Poenika moegi sampoen tjontel ing greget lan kamongkogan kémawon nanging asoeloera ing tindak! Red.

ECONOMIE.

Ing sapoetjaking panggoeng Economie.

— Internationalisme. —

Saking mas Andaja ing W.

Ing rehning karangan koela ingkang sapisanan bab panggaotan poenika loegoe njembadani kersanipoen sadèrèk jèn kober, mila se-priki ingkang koela anggé landasan ada koela inggihi karanganipoen prijantoe waoe.

Dangoe-dangoe sareng koela saring malih, kenjam-kenjamipoen karangan waoe boten sandé namoeng ngadjak dateng actie mendjawi oetawi ngojak Internationalisme.

Mila mekaten, menawi Indonesia mila poeroen noeloeng badanipoen pijambak, mila inggihi kedah gandeng pijambak kalijan pradja sanès.

Soepados langkoeng tjeta sawatawis, mangga sami ngémoet-émoet lelampahan ingkang mentas kelampahan wetawis setengah taoen kepengker.

Lelampahan waoe wosipoen: panggaotanipoen kantja Tjong Hoa saja

kepipit. Déné sebabipoen: mergi Importeur-importeur bangsa Europa sami tepang rembag pijambak kalijan poen penoembas, poen Krama.

Kados para maos sampoen sami priksa, dagangan ngamanitja poenika doemoeginipoen tanganipoen poen Krama a p e s nglankoengi kedoeng kalih: importeur lan toko, ingkang apes 95%<sup>0</sup> dados darbèki-poen kantja Tjong Hoa.

Toko waoe adatipoen mawi tjabang malih waroeng. Dados kala-kala barang waoe ngantos kèndel kaping tiga oetawi sekawan sadèrèngipoen dawah ing tanganipoen gendoe oetawi tolé Indonesia. Nah, ing mangka wiwit taoen 1930 poenika wonten ada énggal: poen importeur kepénging tabik pijambak kalijan kang Krama, ateges toko lan waroeng-waroeng kasingkoer.

Leres, ada poenika mentjoengoli-poen apes sampoen kala 1929 oetawi kepara roemijin malih, nanging kraosipoen saestoe, langkoeng-langkoeng ing Soerabaja, saweg taoen poenika. Anggèn koela ngertos jèn kantja dagang Tjong Hoa ing ngrika andjingkat, mergi ngantos wonten protest saking sedaya soedagar Tjong-Hoa dateng para Importeur.

Awit adanipoen importeur mekaten waoe boten namoeng ateges mitoenani dateng tijang-tijang ingkang gadah toko lan waroeng, nanging jèn kesangeten, tegesipoen jèn saged kaleksanan saestoe. saged medjahi babar-pisan dateng penggaotan para ahli dagang (Tjong Hoa). Poenapa ingkang mekaten waoe njata badé kelampahan, kita prajogi mèndel roemijin.

Nalika wonten protest waoe kang Krama kados poendi-poendi pijambakipoen étja-étja tileman, boten predoei. Awit roemaos dédé prekawisipoen. . . . Majar! katanda? katanda koran nasijonal boten ngoe-wiki prekawis poenika. Namong mèndel-mèndel kita inggihi njatet, bilih pakempalan dagang nasijonal „Setija“ ingkang poeseripoen ing Soerabaja tokonipoen sampoen . . 19! Poenapa inggihi toko (waroeng)

VAN LITH-STICHTING  
Jejasan ingkang toemoet ANDJAGI gotrah Katholik kedah kita kijataken.  
Penningmeester V. L. S.  
p/a 2e. Convict  
Moentilan N. I. S.

19 poenika ingkang dipoenseboet „kang Krama“ ing protest-ipoen sadèrèk Tjonghoa, kita boten saged netepaken. — — —

Ladjeng — — — poenapa kantja Importeur boten mabeni wontenipoen protest waoe? temtoe kémawon mabeni, sabèn tijang temtoe ndjagi padaranipoen pijambak-pijambak. Wangsoelanipoen kantja Importeur kanggé tjekak mekaten: akoe tawa njang kampoeng ja bènè, akoe toeh ora nerak predjandjankoe karo kowé! sadaya sami abritipoen, kang Krama étja-étja tileman.

Bab oedreg-oedregan waoe kaemot ing Nieuwe Soerabaja Courant, Pawarta Soerabaja lan Bendee (Solo, minggon).

Bab poenika bakda maos kala samanten teroes koela kepèki.

Lan pemanah koela kala ngèpèki waoe (oegi teroes koela serat) mekaten: lah dalah, apa iki, lagi kaja ngéné waé kantja Tjong Hoa wis pada riboet, iba jèn dik Krama gelem koelak njang Europa déwé, iba—iba!

mBokmenawi para maos njangkal: ah, mokal, toekoe saka tanah sabrang mesti koedoe toes-toesan oetawa malah won-wonan roepijah, dèk Krama lé isa prijé? — o, boten mekaten prijantoe! Prijantoe priksa. Twente districk ingkang kebak tenoenan poenika? pabrik-pabrik ing Twente waoe poeroen njadèni dateng sok sintena asal orderipoen welinganiipoen apes f10,—sedasa roepijah! Ta, rak boten katah! Malah toko spèda lan gegaman ing Perantjis poeroen ngémbali lampahing kintoenan, asal — — — orderipoen boten kirang saking — — — o, sakedik sanget! — — — 50 franc oetawi — — — f5,50; gangsal setengah roepijah!!

Poenapa njata poenika?? njata, mangka koela pendetaken seratipoen saking ngrika! joernalis bermata seriboe-riboe?? mbokmanawil!

Sapoenika ngadjengaken bab kantja Tjong (Hoa tegesipoen: kan-

tja, kaoem, golongan, bangsa; kawoela) ing Soerabaja waoe.

\*\*\*

Bab gandèngipoen groothandel oetawi importeur waoe kedjawi medjahi waroeng lan toko oegi ngéng-galaken mbloedekipoen kantong Indonesia.

Bab poenika radi tjeta wonten ing Betawi (Betawi—Weltevreden—Meester Cornelis).

Margi General Motors keriwouten anggènipoen mengsah Ford, sopir-sopir taksi teroes dipoen-èndel njamboet auto, mindring, mboten njéwa, oepami f 25,—sawoelan. Poen sopir temtoe poeroen, seneng, G. M. mèmè, batosipoen: Ford mangsa pajoea!

Toko montor mlongo kanti witjanten: wo . . . Let gangsal taoen . . a bang pinten-pinten sami nggekeng njopiri montoripoen pijambak. Toer nalika njopiri, wiwit kawitan, adjeg ngatos-atos, pangpènipoen inggihi bédà, sebab batosipoen: ini sajè poenjèl! (tjara Betawi)!

Malah koela inggihi kèmoetan, bilih ing Anoe wonten soedagar boekoe Indonesier ingkang saged njéwa grija f200.— sawoelan, toer saged njadé barangipoen langkoeng mirah tinimbang regi oemoem, djer sedaya sesadéjanipoen kilak pijambak saking toekipoen. Ingkang mekaten waoe saja damel, hm, saja damel ajem, nadyan kita namoeng toemoet, o, namoeng toemoet njawang — — —

Mila, é, mila, jèn kita adjeg moelat, waspada lan tjantjingan, tegesipoen poendi ingkang legi énggal katjepeng, temtoe dangoe-dangoe sedajaning manis-manis lan kanikmatan saged ketjepeng ing tangan kita.

Boten langkoeng, rehning sampoen sewatawis, atoe koela, moegi-moegi! (taksih wonten sambetipoen).

ANDAJA.

WAWASAN BAB KASOESATRAN DJAWI.

(Ki Ranggadarminta).

II  
Djaman kina.

Ing ngadjeng (Sw-Tm. no. 45) sampoen koela atoeraken bilih mitoe-roet kalimrahanipoen wekdaling kasoesastran poenika kaprintji dados tigang djaman, inggihi poenika: djaman kina, djaman Mataram lan djaman samangké. Menggah anggenipoen marintji makaten poenika amargi montjèring kasoesastran Djawi poenika sambet sanget kalijan montjèring kraton, amila kasoesastran ingkang kalebet djaman kina poenika oegi kénging kawastanan kasoesastran Djawi Wétan, djalanan ing nalika samanten doenoenging kraton Djawi ingkang mondjo wonten ing tanah Djawi Wétan. (Mriksanana Babad tanah Djawi I Fruinmees ktj. 69).

Amoerih gamblanging pamawas, ing riki ingkang badé koela pétani roemijin woedjoed dadapoekaning kasoesastran ingkang kalebet ing gegebengan djaman kina waoe. Menggah babaran kasoesastran ing djaman samanten, sanget anggèning kadajan woedaring kabodajan ing Hindoestan, bab poenika gampil sanget paniti miwah panglatjakipoen. Pasang rakiting pangiket, soeraos toewin tetemboeng-anipoen noelad babaran kasoesastran ing Hindoestan ing nalika abad sapisanan.

a) pasang rakiting pangiket, Serat-serat kina poenika wonten ingkang kadapoek serat gantjaran lan wonten ingkang mawi sekar. Serat-serat ingkang pertalan saking basa Sangsekarta, katah ingkang sineselan tetemboenganipoen Skr. ingkang bakoe ladjeng kadéklèkan katrangan oetawi tanpa, oepaminipoen:

(Adi parwa) - teka mandamāruta, angon alon anglingkabaken sindjangipoen.

(Râmayana) pandjengengané triwikramapitâ, (jâkoe) dadi bapakné Bâlara Wisnoe anitis.

Oegi wonten ingkang dapoer ndjarwani lan makna - aken tetemboengan Skr. (Mriksanana Sang Hjang Kamahâjânikan. J. Kats.) Déné ingkang damelan Djawi pijambak sepi ing seselan teks saking basa Skr. (Mriksanana Tantu-panggelaran, Pararaton lsp.) Wondéné basanipoen temtoe kémawon inggihi basa Djawi djaman samanten, ingkang sami kawastanan temboeng Boeda (Wal. Oud Jav. -Djawa koena) oetawi basa Kawi, nanging dédé kawi ingkang kalimrah ing serat-serat mawi sekar ing dja-

man semangké, sanadjan ta temboeng-temboeng waoe sapérangan ageng inggihi asal saking Djawi kina oetawi Skr. Milanipoen amoerih boten adamel seling serep, ingkang basa Djawi djaman kina prajogi dipoenwastani Djawa koena, déné temboeng-temboeng ingkang limrahipoen namoeng kanggé ing sekar oetawi ing basa rinengga, prajogi kawastanan kawi.

— o —

Pangiketing tetemboengan basa Djawi kina poenika inggihi noelad tatanan panjerat basa Sangsekarta, kados oepaminipoen bab sandhi (panggarbaning temboeng) oepami:

garba saking

garba saking

garba saking

garba saking

garba saking

lsp.

(Bab poenika mriksanana Wi-dyarthas katja 10 ladjeng katandinga kalihan: Praktische Grammatik der Sanskrit-Sprache jasanipoen Dr. phil. Richard Fiks. katja 12; sarta manawi badé mramanemaken babagan paramasastranipoen prajogi maos ing Verspreide Geschriften. jasanipoen Dr. H Kern ing deel VIII, lan IX.)

Sapoenika ménggok sakedik soemangga sami mramanemaken iketan pangrakitipoen serat-serat Djawi kina ingkang mawi kasekaraken. Sekaripoen ing samangké kalimrah sami winastanan sekar ageng oetawi sekar kawi. (Djawi kina kekawin ateges tembang), sarta pangiketipoen inggihi mitoe-roet wawaton ingkang kalimrah tanah Hindoestan. Ing djaman samangké sampoen kalebet awis ingkang soemerep wawatonipoen damel sekar kawi ingkang saloegoe, poenapa déné inggihi sampoen langka ingkang saged nglagokaken, djalanan saking awis kesrambah. Sekar kawi poenika doemoeginipoen samangké namoeng kalimrah kanggé bawa swara ing boeboekaning gending oetawi ing padalangan. Malah ing padalangan katah ingkang namoeng metik oengelan - oengelan ing serat-serat kakawin, sarta tetemboenganipoen sampoen katah ingkang risak. Kados oepaminipoen soeloek jèn mentas djedjer Ngastina.

Poenika terang pametikipoen saking serat Bhâratayuddha II, 1 (kawedalaken déning Dr. J. G. H. Gunning), inggihi poenika tjarijosi-poen Kresna (nalika badé dateng Ngastina moendoet sapalihing nagari, ladjeng kapanggih kalijan déwa wonten ing margi. Dados sampoen boten méntjok kalijan wajang ingkang kadjedjeraken. Wondéné ingkang sekawit oengeliipoen makaten:

Saweg saking pemanggih koela, kados kita perloe njoemerepi wawaton anjekaraken tjara kina sawatawis, kèlinga kanggé titim-bangan kalihan ingkang taksih kalimrah kanggé ing djaman samangké.

Wonten srat kina ingkang pinanggih wonten ing Bali, nama Wretasan-tjaja (Wrtasâncaya - kakloempoeke - ning tembang).

Serat poenika angewrat wawaton sarta namaning sekar kawi, ingkang kawedalaken sarta karembag anglang-trah déning Prof. Kern wonten ing Verspreide Geschriften deel IX ktj. 67 sarta inggihi karembag malih wonten ing kalawarti Kawi (R. Ng. Dr. Poerbatjarka cs.) taoen I wiwit katja 25 saladjengipoen. \*)

(badé kaladjengaken).

\*) Éman déné Kawi ladjeng moeroed ing asal kamoeljanipoen alias pedjah. (Ki Rangga).



SITI BOKONGAN PEKEN WEDI.

Boten namoeng sadèrèk Èsllin ingkang mbrebes mili, ananging koe-la toemoet tjos-tjosan, koela mireng pawartos bilih siti mloewa ing sa-oeroetipoen margi ageng salèr peken Wedi ingkang tembing kidoel (ing sangadjenging grija Tionghoa 6, grija Djawi 2) sami kasoewoen déning tiyang Tionghoa oetawi tiyang Djawi ingkang sami gadah adjengan ngrikoe. Nalika para Tionghoa ngatoeraken panjoewoenan poenika panginten koela katampi saé, katitik boten wonten grendjel oetawi greneng poenapa-poenapa. Nanging sareng tiyang Djawi ingkang satoenggal ngatoeraken panjoewoenan dipoen-sepèlèkaken malah dipoenadjrih-adjrihi dawoehipoen: „Kowé koewi wong pengindoeng ora doewé wewenang apa-apa” ngantos rambah-rambah.

O, mesakaken, wong désa toer bodo sowan panggedé ora diparingi pitoedoeah anggoné doewé panjoewoen, nanging malah disepèlèkaké toer digawé wedi pisan. He e e m memelas, tjobi dipoen-gali! Saking pargintèn koela bokmanawi patokanipoen ingkang kedah dipoenparingi siti mloewa ingkang koela atoeraken ing nginggil poenika sanès pangindoeng oetawi koeli ing koekoeban ngrikoe, nanging tiyang-tiyang ingkang gadah adjengan ngrikoe; awit saoeпами siti ingkang koela atoeraken ing nginggil kénging kaparingaken saben koeli oetawi tiyang ingkang noenggil sakaloerahan ngrikoe, mangka ladjeng dipoen-

degi grija, sasat damel satengah pedjahipoen waroeng saha tokonipoen tiyang ingkang gadah adjengan siti kaseboet, inggih tiyangipoen Tionghoa langkoeng<sup>2</sup> tiyangipoen Djawi.

Pramila boten samestiniipoen manawi tiyang djawi ingkang satoenggal kaseboet nginggil dipoensepèlèkaken panoewoenipoen, nanging kedah dipoentampi kados tiyang Tionghoa, ingkang sami noenggil panoewoen, awit tiyang Djawi kaseboet nginggil oegi badé satengah pedjah menggahing waroengipoen, manawi siti adjenganipoen dipoenadegi grija déning tiyang sanès; saoeпами adjenganipoen tiyang Djawi kaseboet boten kaparingaken dateng sinten-sinten, kadjengipoen mloewa kéma-won, nanging adjenganipoen tiyang Tionghoa sami kaparengaken panoewoenipoen, ladjeng grija tokonipoen tiyang Tionghoa sami kaadjengaken tjelak margi, ngaten kéma-won waroengipoen tiyang Djawi kaseboet sampoen saprasekawan pedjah, kosok-wangsoel: waroeng dalah tokonipoen tiyang Tionghoa prasasat tetaneman angsal raboek, tarak boten anèh manawi dimas Èsllin mbrebesmili,koela tjos-tjosan.

Minangka toetoepling andaran koe-la ing nginggil: moegi paréntah ingkang wadjib ngedoem, anggalihajektos badé pangdoemipoen siti mloewa ing saeroetipoen margi ageng salèr peken Wedi ingkang tembing kidoel ingkang kaseboet nginggil, moerih boten wonten panggroendel poenapa-poenapa. Langkoeng-langkoeng toemrap sadèrèk Djawi ingkang sapoenika taksih ringkih ing samoekawis.

Klatèn 14-11-30 koela Èsgosok.

# OERAP - SARI

(PETIKAN SAKING SERAT-SERAT KABAR SANÈS).

## KABAR KATOELIK.

### Jubileum Broeder Placidus.

Mataram dipoenkabari saking Soerabaja bilih béndjing tanggal 26 November poenika kaleres salangkoeng taonanipoen Br. Placidus (warga Konggregasi St. Louis ing Oudenbosch) anggenipoen ngambah boeni Indonesia.

Wiwahan salangkoeng taonan badé kadawahaken wonten tanggal 7 Désèmber. Wonten ing Soerabaja, ing kalangan onderwijs, Broeder poenika sakalangkoeng kotjap.

### Mulo Katoelik Soerakarta.

Sami kalijan Mulo Goepermèn. Wonten serat kakantjangan anetepaken bilih piwoelang ing Mulo Soerakarta, tjabangipoen Mulo Katoelik Ngajogja, sami kalijan Mulo Goepermèn. Pf.

### Dalemipoen para Broeder Moentilan.

Red. angsal pawartos, 21 Nov. djam 5 sonten, badé wonten pahargian masang banon kapisan kanggé dalemipoen para toewan-toewan Broeder v. d. „Ontbevelte Ontvangenis”, ingkang sampoen katah lelabetanipoen toemrap moeda Djawi.

Mila milih dinten poenika, awit titi-mangsa poenika Congregatiejoeswa 90 taoen, sarta ngleresi sangang taoenipoen padoeka Broeder Overste Eustatius makarja ing noesa Djawi, amarsoedi siswa Djawi. Sampoen salajakipoen kita ngatoeri soegeng sarta matoer noewoen dateng pandjenenganipoen.

Menggah doenoengipoen tjalon dalem Broederan poenika wonten sangadjenging pamoelangan H. I. S. tjelak pasaréan (kerkop). Sawingkingipoen badé dipoenedegi pondokan (convict) no. V, ingkang badé dipoenasta toewan Broeder pi-jambak, amargi pondokan poenika kanggé moerid-moerid pangkat 7, ingkang ndoegkap milih margining ngagesang.

# KABAR OEMOEM

INDONESIA.

### Tijang Toerki ngamoek.

Damel pedjahipoen tiyang tiga.

Dinten Rebo 12 Nov. sijang grija padjagèn poelisi ing Glodok, Betawi, gègèr. Tionghoa Tjong Hien, pangageng hotèl, neda toeloeng poelisi, awit hotèlipoen kapondokan tiyang Toerki nama Sajid Tafaelah Lampon, asli Teloek Betoeng, ingkang remenipoen tansah minoem, sarta damel soesahipoen tamoe-tamoe sanèsipoen. T. Tjong Hien saweg kéma-won kèndel, tiyang Toerki waoe mlebet, dipoenpanggihi hoofdagent t. Mounier, sarta kabekta dateng galdri wingking. Wonten ngrikoe tiyang Toerki waoe ngamoek, sakawit mawi dadamel blati, ladjeng pedang, adamel pedjahipoen hoofdagent t. Mounier, agèn Semaoen, toewin Téga. Kedjawi poenika taksih wonten poelisi sanès ingkang tatoe. Tiyang Toerki waoe, pedjah. Sareng

dipoentiti, tetéla kala dateng grija padjagèn waoe, mentas nelasaken brèndi sagendoel.

### Bapa medjahi anakipoen tiga.

Nembé poenika ing Cheribon wonten Walandi nama U., medjahi anakipoen djaler oemoer tigang taoen, lan anak èstri kalih oemoer 10 lan 14 taoen, mawi pistoel. Sabakdanipoen poenika U. waoe ladjeng ngendat. Sebapipoen dèrèng kasoemerepan.

### 10 taenan djoemenengan dalem K. Soeltan.

Katranganipoen paréntah. Kala tanggal 27 Okt. warga Raad Kawoela t. Dwidjaséwaja miterang dateng Paréntah, kénging poenapa déné kala dinten pangèngt-èngèt 10 taenan djoemeneng dalem Kg. Soeltan Ngajodja sakolahan-sakolahan ing Ngajogjakarta boten dipoentoetoe? Poenapa poenika bo-

ten damel rengating panggalih dalem, toewin saking manahipoen kawoela ing ngrikoe? Mangka, manoeet pranatan sakolahan, pantjèn kénging kaliboeraken.

Pitakénan poenika, dipoenwangsoeli paréntah makaten:

Ing dinten djoemenengan dalem Kg. Soeltan, poenika sakolahan-sakolahan angka kalih boten naté dipoenliboeraken, amargi dinten poenika namoeng kamoel-jakaken wonten salebeting kraton. Ing dinten sadasa taenan waoe inggih mèngeti manawi dinten waoe dinten ageng djoemenengan, mila boten wonten sababipun ingkang andjalari ladjeng saged ngliboeraken sakolahan kaseboet. Lan inggih margi makaten poenika d né boten wonten paneda saking péhak komité, oetawi pamoendoet saking ngarsa dalem. Lan toemrap prakawis poenika, Goepernoer Ngajogja inggih boten nindakaken makaten-makaten.

### Angsal seboetan radèn.

Saking prijantoen ingkang kénging pinitados kita mireng: mas *Wahja-soedibja* wadana goeroe pamoelangan H. I. S. No. 2 ing Moentilan, mentas pikantoeke seratakantjangan saking ngarsa dalem Ingkang Sinoehoen Kangdjeng Soeltan ing Ngajogjakarta, kapareng nganggé seseboetan radèn.

### Kjai doekoen ing Widjil.

Andjampèni kamlaratan?

Sadèrèk *Madyadhi* njarijosaken ing doesoen Kalangan bawah Moengkid Moentilan, wonten tiyang kalih sami kesékéngan. Nalika Djoemoewah Legi woelan Soera taoen poenika, tiyang kalih waoe pinanggih mitranipoen anama M., anjarijosaken kasékénganipoen, saladjengipoen kapitoetoeran soepados neda djampi kamlaratan dateng kjahi doekoen ing Widjil, bawah ass. wedana Baraboedoer, Magelang. Kelampahan sami neda pitoeloengan kjai doekoen kanti tindih f 120, lan f 50. Tjarijosipoen doekoen arta waoe kalebetaken petèn, lan petèn waoe béndjing jèn sampoen nem woelan badé kebak isi arta tjekap kanggé ngesahi samboetanipoen. Nalika 5 November poenika, wonten sepijoen ingkang mangertos, toeroes lapoer dateng assistent wedana Moengkid. Lan toemoenten tiyang 2 lan M. dipoentimbali dateng seténan, dipoendawoehi sami mbekta petènipoen. Sareng dipoenbikak, ingkang setoenggal njata kebak saèstoe, ning kebak gombal, arta kantoen sebénggol lan sekar setoenggal, (tindihipoen roemijin f 120). Déné setoenggalipoen (tindihipoen namoeng f 50,) namoeng kantoen sekar setoenggal. Soemerep kawontenan poenika sadèrèk 2 lan M. sampoen bijas, atjoeun.

Nalika dinten Dojemoewah ddo. 7 Nov. poenika doekoenipoen dipoentjèng. Poetoesanipoen kadospoendi, koela dèrèng terang. Memelas temen bangsa kita!

### Bandiet Walandi.

B. D. Wasita (Setjang 17-11-'30) martosaken:

Nalika tanggal 16 November poenika, minggoe pon, ing doesoen Digelan, Sarapadan, distr. Pringsoerat (Temaggoeng), wonten tiyang èstri kabégal déning Walandi, sarana dipoendjak noempak motor (taksi) merk H. No. . . . . Nalaripoen makaten:

Tijang èstri waoe nama Bok. Martopawiro, asal Salatiga. Wantji djam 10 éndjing, (minggoe), badé toewi keponakanipoen dados mandor tilpoen, panoedjoe sakit, manggèn ing kamp: Tingalan, (Pengilon?). Wonten ing margi kepetoeke Walandi kalijan njonjah (dédé totok), dipoentakèni déning njonjah, poenapa soemerep grijanipoen Bok Amat, grijanipoen wingking mesdjid. Njonjah waoe ngaken anakipoen Bok Amat, nanging anggenipoen késah sampoen dangoé. (Anggènipoen takèn waoe poenapa djalaran Bok Marto nganggé benik dinar sarèntèng lan soesoepé barléjan?)

Sarèhné pitakènipoen waoe nganggé temboeng aroem manis, katik Djawi toer krama, tingalipoen soemanak; mila B. Marto moeloer manahipoen ladjeng poeroen ngeteraken madosi; nanging boten kepanggih. B. Marto ladjeng dipoendjak kèndel djadjan wédang wonten ing wandènipoen B. loerah Kradjan. Sasampoenipoen ladjeng sowang-sowangan.

Djam 7½ sonten, malem Senèn, landi lan njonjah dateng ing grijanipoen B. Marto; sandjang jèn B. Amat sampoen kepanggih. Sarèhné Bok Marto waoe sijang sampoen toeloeng toemoet madosi, mila badé dipoendjak seneng-seneng, dipoendjak mlantjong. Doemoegi petjinan, ke-leres wonten taksi mogok-mogok, poenika ladjeng dipoenséwa f 2,50 kanggé mlantjong 2 djam; lampahipoen: Ambarawa-Salatiga-Ambarawa, ladjeng ngilèn.

Sareng doemoegi salèr doesoen Digelan, landi waoe mandap; montor isi njonjah lan B. Marto mlebet Digelan ladjeng kèndel tjelak gerdoe. Njonjah omong dateng Bok Marto: „Toewan maoe kok soewé temen „mbok! Ajo” pada dipapag,

Angèsti tentreming bawana.

Sawelas November! Dinten ingkang pantes dipoenkepèki.

Kalih welas taoen kapengker, dados kala 11 November 1918, ing saindenging djagad kapireng ngoemandanging soewanten: *angèsti tentreming bawana*. Bangsa Éropah roemaos karisakan ageng déning perang donja. Oengeliipoen: akoe wis kapok perang! Ajo gegaman pada disoeda, diboewangi! Ajo pada roekoen, . . . roekoen, . . . roekoen! Saiki nganakaké Volkenbond! Nganakaké Éropa-Sarikat, lss.

Tanggal 11 November poenika, saged anggoegah pikiranipoen tiyang ingkang njatitèkaken ébahing djaman.

Koela kèngetan kala 1 Mei I. S. D. P. miwaha dinten waoe wonten Betawi. Warga Raad Kawoela t. *de Dreu*, sesorah wonten parepatan oemoem. Anjarijosaken karisakan ingkang margi wereldoorlog:

Waragad kanggé perang donja: 1500 milliard (oet. manawi kapétang wiwit mijos Dalem Sri Jésoes wonten: f 90.000 saben saedjam).

Gedong-gedong, pabrik-pabrik, panggaotan-panggaotan ingkang remoek: 30 milliard roepijah.

Papranan dangoenipoen 1561 dinten. Pradjoerit ingkang perang kirang langkoeng 30 mljoen djiwa: tiyang ingkang katjilakan tikel kalhipoen poenika.

Ingkang pedjah wonten pajoedan 10 mljoen djiwa; oet. ratjak sadinten pedjah 6.400, oet. pedjah 4, saben sameniit. Pradjoerit ingkang tjital boten kantenan 13 mljoen. ingkang ketaton 20 mljoen; lan ingkang dados tawanan 3 mljoen.

Tjatjahing randa, margi perang waoe, 5 mljoen, anak tanpa bapa: 9 mljoen. Tiyang ingkang minggat: 10 mljoen.

Kadjawi poenika taksih wonten tiyang partikelir, dédé militèr, katahipoen 13 mljoen pedjah wonten salebeting perang.

Tjatjahipoen tiyang pedjah ing papranan, kénging kasamèkaken kalijan baita ingkang saben dintenipoen nglelepaken tiyang satoes, dangoenipoen pitoeng dasa taoen. Oetawi kados kaom berah 1 mljoen, njamboet damel 14 djam saminggoe, dangoenipoen 3000 taoen.

Nagari Baritanjah, ingkang katjarijos *menang perang*, inggih kapi-toenèn. Manoeet minister Snowden, salebetipoen perang waoe Inggris ngedalaken waragad 125 milliard. Samboetanipoen dados: 80 milliard. Kanggé njaoer samboetan poenika, tetjah ingkang kénging paos kedah angréntjangi saben taoen 4.200 mljoen, oet. saben dinten 12 mljoen, ateges 7.200 roepijah ing dalem samenoet.

Manawi angka-angka poenika dipoenwewahi arta ingkang kanggé mragadi wadyabala, toewin kapal-kapal perang, poenapadéné kaom pènsioenan, manoeet t. Snowden, ladjeng saged soemerep bilih 3/4 nipoen sadaja paos Inggris kanggé njaoeri samboetan.

Mangga, poenapa boten andjegrig woeloe pandjenengan? Poenapa boten mrinding? Mila, poenada élok, manawi Éropah ladjeng énggal mè-nèk wonten paredèn Alpen, ngoewoeh-oewoeh dateng tiyang sadjadad: „ . . . Ajo pada ngèsti tentreming bawana!”

Aksi perdamaian-doenia saja angrebaka! Ngantos, kala 27 Agoestoos 1928, nagari 12 nandatangani: *Pradjandjian Kellogg* wonten Paris, soeraosipoen inggih nge-

mohi perang (art. 1). Sadaja pa-soelajan kedah pinoetoesan sarana ngambah margi katentremen, karokoenan (art. 2).

Anggajoehtentreming bawana! Pantjèn pantes dipoenaoesi! Nanging, poenapa bedamèn-bedamèn anggajoehtentreming bawana waoe; inggih notjogi kawontenanipoen?

Poenapa pandjenengan manger-tos, bilih:

Kala taoen 1913, djagad gadah pradjoerit ingkang sampoen ginladi katahipoen 20 mljoen? Nanging angka 20 mljoen waoe, ing taoen '30 mindak dados 30 mljoen??

Kawontenan satoenggal poenika, kéma-won kénging kaanggé doedoetaning wawasan aksi wereldvrede.

Poenapa *The Sunday Times* boten dados slomprètipoen Lord Rothermere ingkang gadah pamanggih bilih bedamèn-bedamèn (-Inggris-Parangakik) boten saged kalestan-toenaken kados wontenipoen sapoenika? Djer poenika makèwedi ébahipoen bangsa Inggris?

Poenapa serat-serat kabar ing Djepang boten ngangseg pitakènipoen dateng oetoesan Amèrikah W. Cameron Forbes: Poenapa ingkang dados wawatunipoen Amèrikah déné boten ngéngingaken loe-mebetipoen tiyang Djepang wonten ing Amèrika Sarikat?

Poenika, inggih kalebet ngalamat *praharaning* aksi perdamaian-doenia!

Rembag roekoen, poenika leresipoen pantjèn dédé rembagipoen konperènsi. Kados ingkang koela tjatoeraken kalih taenan kapengker, kala koela angrembag Bedamèn-Kellogg, kagajoehing sedyawaoe kedah adadasar *tresna sadjati*. Tresna ingkang makaten saèstoe saged anoewoehaken karokoenan, aos-ingaosan, tepa salira, adil, saminipoen.

Koela boten maiben paédahipoen moesawaratan ing Geneve. Boten maiben bilih Geneve tansah amboedidaja sagedipoen kadoemoegèn djangkahipoen. Nanging poenapa badé ngedalaken woh ingkang ageng saèstoe, poenika manah koela taksih koemambang. Djer, katah kéma-won warganing Geneve ingkang dèrèng poeroen angenggèni *pambegan internasional*. Taksih katah ingkang moengal: „Iki prakarané pradjakoe déwé. Nagara lija ora kena mèloe-mèloe.” Mila, . . . ing Geneve, inggih katah rembagrembag ingkang prasasat mendoeng goegoeloengan, ingkang saged toemoeroen dados djawah deres kaworan bledèg njamber-njamber.

Karokoenan poenika santosani-poen kedah kawiwitan saking tiyang satoenggal sami satoenggal. Makaten sateroesipoen, ngantos mahana-ni roekoening bangsa sami bangsa.

Dados ing ngriki ladjeng tètèla, bilih rembag wereldvrede pantjèn dados bebahanipoen *djoeroe anggoela-wentah*.

Manawi satoenggal-toenggaling tiyang dèrèng kandel dedasaripoen *katresnan dateng sesami*, kénging koela *pastèkaken*: sedyawakaten waoe, badé namoeng *seratan*. Tegesipoen: *tjalon djoegar*. Malah kepara manawi wonten perang, ladjeng langkoeng ageng tinimbang ingkang sampoen-sampoen!

Makaten pamanggih koela!

Éwadéné koela inggih asesanti: „Tentrem,... tentrem,... tentrem,...!”

Kumuning saselé 16 Nov. '30

Taklim: *Patjar Mérah*.

### CORRESPONDENTIE.

*Saking Adm.*: Abn. 495. Pendak kwartaal kéma-won inggih prajogi, oegeripoen djangkep lol!  
Jth. t. t. B. Soemadirja, Ngaglik, Sbrj; Djoewahir, Ngantak Senden, Blabag N. I. S.: E. J. Widjiasoesanta, Petjangaan S. J. S., pandjenengan pindah dateng poendi???

*Saking Red.*: Karangan-karangan ingkang sampoen katampi, nanging dèrèng saged katapijak, poenika saking: Jth. t. t. Dirdja: Hoeroe-bisma. Red. matoer noewoen.

### Rectificatie!

Sw. Tm. no. 46, tanggal 14 November 1930, pinanggih: Lan pandamelanipoen t. Demarquette angsala pitoewas kados makaten.

Leresipoen: Lan pandamelanipoen t. Demarquette angsala pitoewas; kados makaten ingkang dados pangadjeng-adjeng koela.

mengko gèk ana apa-apa, wajah bengi mangkéné djaré.” (±djam 10½ daloe). Njonjah lan B. Marto ladjeng darat. B. Marto boten njana poenapa?

Kotjapa, doemoegi panggénanipoen mandap toewan waoe, toewan ndjodoel saking kalèn; B. Marto dipoen-reboet dinaripoen (24 idji) kanti dipoenatoengi pistoel. Soesoepé dipoenbregadas boten kénging, sabab sesak, mangka barléjan pegnaos f 300; (begdjia poenika). Wiwit B. Marto katoebroek toewan waoe, njonjah wangsoel dateng montor. Landinipoen sakedap noetoeti dateng montor, ladjeng kapoerih mangkat; bablas mengidoel, B. Marta kantoen ing boelak.

B. Marto toeloeng-toeloeng mlebet dateng doesoen. Saweg sami oejet, wonten vrachtautolangkoeng. Vrachtauto kaendeg, Sopir njagahi, jèn boten ketjandak, sagah repot dateng kloerahan, (kapoelisèn). Doemoegi Se-



M. v. BIENE.

Toekang herlodji  
dan Toekang emas.

Adres jang  
moerah

DJOKJA BANDOENG  
Telf. 252 Telf. 226

boeat LONTJENG, HER-  
LODJI dan PERKAKAS  
EMAS.

Pembatja  
SWARA TAMA,  
dengan bawa lembaran  
Swara Tama  
dapat POTONGAN.

Soemangga sami  
ngabarna ing  
SWARA-TAMA

Boeat toean poenja

ERCEE

APOTHEKEN

Rathkamp  
& Co

MALIOBORO 15 DJOKJAKARTA.

Toko DJOEN & Co., Djocja.

PATJINAN MOEKA TOKO FUJI — TELF: No. 374.

Adres jang paling moerah dan paling baik  
boewat pembikinannya.

ROTIE-ROTIE, KOEWEE-KOEWEE dan  
BESCHUIT-BESCHUIT KERING.

SROETOE-SROETOE dan ROKOK-  
ROKOK, jang haloes dan kasar.

Djoega slamanja djangan loepa minoem kita  
poenja KOFFIE BOEBOOK, jang speciaal die  
giling dengan machine Electrics, bisa giling aloes  
dan kasar, menoeroet pembelie poenja perminta'an  
die tanggoeng sampee menjenengken, harga per  
pond f 0.90.

Bolih datang saksiken!

Memoedjiken dengan hormat  
Toko DJOEN & Co.

TOKO BARANG-BARANG

H. SPIEGEL — Djokja.

ADRES JANG PALING BAIK, boeat:

Eetserviezen — Theeserviezen: f 5,75.

Perkakas dari gelas, dan perkakas dapoer;  
Kereta dan korsi boeat anak-anak;  
Tempat tidoer, lampoe gasoline, dan  
— permainan boeat anak-anak ketjil. —

SEMOEA BARANG PALING DJEMPOL, DAN  
MOERAH SEKALI!

AGENT KANGGÉ SALEBETIPOEN  
NGAJOGJAKARTA.

Sepeda-sepeda merk:  
SIMPLEX Cycloide, S. djené, S. petak sarta Simplex Transfer.  
HIMA: Wassenaer, Rondrit, Oranje sarta Woestduin.  
TOURIST: A. A. sarta A.

Sedija oegi sepeda merk:  
RAY — SWIFT — GRUNO — HUMBER — VIALLE —  
BURGERS E.N.R. — KROON — NATIONAL — BERGKONIG.  
Sarta malih sepeda mirah wiwit pengaos f 55.—, f 65.—, f 75.—  
saprabotipoen: Klinting, pompa, lentéra sarta tas isi perka-  
kas koentji sarta wadah lisah.  
Mentas tampi per S.S. Slamet sarta JOH. de WIT sepeda merk:  
ROVER Imperial, continental, The Rover sarta Metallicus.  
Sedija oegi Djas djawah, Kopper, Lentéra Stormking, Lemantoen  
tosan sarta tjèt wènter.

PENJADÉJAN KENTJENG SARTA KATJITJILAKEN.  
Menawi perloe moendoet katerangan, badé kakintoen pratélani-  
poen kalajan lelahanan.

Njenjadang Welingan.

Rijwielenhandel Reparatie-inrichting en Smederij:  
„WIRJOSOESENO”

Lodjiketjil 16. NGAJOGJAKARTA Telf. No. 13.

ARTISTICO CALCARIUM.

Watervarf nomer satoenggal tanpa ganda, woedjoed  
boeboekan, jèn badé nganggé mawi dipoentjampoeri toja  
limrah oetawi bentèr, kanggé ngetjèt pjan, témbok lsp.  
Saged toembas warni 40 dalasan warni salaka lan mas.  
Jèn warni waoe katjampoer-tjampoer, tjatjahing warni  
saged tanpa wates.

Satoenggal boengkoes à 1 Kilo, . . . . . f 0,90.  
(mawi rékanipoen nganggé)

Calcarium salaka saben 1 H.G. f 0,50, saben 1 Kilo „ 4,25.  
Calcarium mas „ 1 „ „ 0,55, „ 1 „ „ 4,75.  
Sikat Calcarium lan Sablone.  
Sikat Inggris, petak, gèpèng.

VERFFABRIEK R. B. FRIELING  
GONDHOMANAN 80. DJOKJA

DJAMNJA HARI ACHAD DI SEMENTARA TEMPAT ADA KOERBAN MISSA.

Ambarawa 6.-7.30.	Lamah 5.30-6.-8.	Pekalongan 8) 6.30-8.	Kepandjèn 6-7-9.
Amboina 7.30.	Lawang 5) 7.	Pemangkat 8.30.	Anita Boul. 6-7.30-9.
Bagan Siapi-api 7.30.	Madioen 6-7.30.	Poerwokerto 7.30.	Soerakarta 6-7-8.30.
Bandoeng 6-7.30-9.	Magelang 7-9.	Poerworedjo 7-8.30.	Tandjoeng Balai 7.30.
Benkoelen 7.30-9.	Makassar 6-7.30.	Pontianak 7-8.30.	Tandjoeng Karang 8.
Blitar 7.30.	Malang 6-7.15-8.30.	Probolinggo 7.30.	Tandjoeng Sakti 7.30.
Buitenzorg 6-8.	Manado 6-7.30.	Salatiga 7.30.	Tara-Tara 7.30.
Cheribon 7.30.	Medan 6.30-8-8.30 (tjina).	Sambas 6-8.30.	Tegal 6.30-8.
Djember 7.30.	Medari 8) 9.30 (mal.).	Sambong 8.	Tering 7.
Djokja: 7.30.	Meester Corn. 7-9.	Sawah Loento 7-8.30.	Tjilatjap 8) 7.30.
Kampementstraat Eur. 7-9.	Mendoet 6-7.30.	Sedajoe 7.	Tjimahi 6-8.
Kota Baroe 6-7.30.	Modjokerto 6-8.	Sedjiram 5.45-8.30.	Tomohon 7-8-9.
Djombang 1) 7.30.	Moentilan 5-6-8.	Samarang: 7.	Wates 7) 7.
Fort de Kock 7.30.	Muntok 8.	Gedangan 6-8.	Weltevreden: 6-8.
Gandjoeran 2) 7.	Ngawi 7) 7.30.	Bangkong 6.30-8.30.	Waterlooplein 5.45-7-9.
Gombong 3) 7.30.	Padang 7-8.15-9 (tjina).	Tjandi 7.30.	Kramat 6-8-9 (mal.).
Keboemen 4) 7.30.	Padang Pandjang 7.30.	Randoesari 7-9.	Wonosobo 8) 7.30.
Kediri 7.30.	Pajakombo 7.30.	Singkawang 6.30-9.	Woloan 8.30.
Klatèn 7.30.	Pajakoembo 7-9.	Soekaboemi 6-7.30.	
Koeta Radja 6.30-8.	Palembang 7-9.	Heuvel 5.30.	
	Pasoeroean 1) 7.30.	Soerabaja: 5.30.	

1) 1e. Achad. 2) 1e. + 3e. Achad. 3) 2e. Achad. 4) 1e. Achad tiao<sup>2</sup> doea boelan. 5) 1e., 2e., 4e. Achad. 6) 2e., 4e. Achad. 7) 3e. Achad. 8) 3e. Achad.

tjang repot datang loerah Setjang (djam 12 daloe 17 November). Loerah Setjang tandang, dipoenteraken Tionghoa Medana (Sarapadan) ingkang kelerasan mbekta motor. B. Marto kabekta datang Kawedanan Pringsoerat.

Landi ngakenipoen datang Bok Marto, nama Johan, Kraggan, Semarang. Sopir grijanipoen ing kampoenng Sekajoe Semarang.

Begdja B. Marto: njawa taksih woelet, lan taksih nganggé soesoepé, mèh kèmanwon banda nggèndong njawa.

Pènget: mengangé kedah samoerwat. Sadèrèk doesoer oetawi soedagar katah ingkang nganggé benik dinar, wiwit djangga doemoegi tjingblok. Mripat bandiet kedèp tismak anggènipoen ngawasaken. Lha sapoenika malah wonten Welandi mbandiet. Toedjoenipoen sopir boten dipoen djengkangaken, motor kabekta mladjeng pisan, (manawi megoeroe datang bioskoop).

Rembag Balé Agoeng.

Kala 11 Nov. prepatanipoen B.O. P. P. K. D. Iss. moetoer boten ngadjengi rantjangan B. A. kados ingkang sampoen kaewrat ing serat<sup>2</sup> kabar.

Dirèktoer Onderwijs.

Tanggal 18 lan 19 Nov. poenika Dirèktoer onderwijs prof. Schrieke wonten Ngajodja.

Kaom mérah pista.

Mèngeti parté kominis Roeslan.

Kala tanggal 7 wantji gaga en-djing, wiwit satjelakipoen kantor Justitie doemoegi pabrik Generaal Motors Tandjoeng Prijoek, ing saeroeting margi katingal wonten gandra abrit pinandjer, mawi seratan basa Mlajoe. Oegi wonten serat-serat sebaran sami katèmplèkaken, njarijosaken bilih tanggal 7 November '30 poenika pangèng-

enget madegipoen parté kominis ing Roeslan sampoen tigawelas taoen. Gandéra-gandéra karampas. Ing ser rat sebaran anjeboetaken oegi sakedap malih badé wonten aksi nglawan kaom hartawan. Poelisi pados katrangan.

Nanggoelangi madat.

Nagari kapareng ngedalaken arta kanggé ambijantoe pakempalan Anti Madat ing Betawi, Orde van goede Tempelieren ing Betawi, toewin Anti Madat ing Bandoeng katahipoen f 5000,— f 1500 toewin f 4700 kanggé nanggoelangi njerèt.

Koesir dokar kadajan malaise.

D. S. martosaken: Saking Peka-longan datang Kedoengwoeni poenika soewaoe dokaranipoen f 0,75 sapoenika f 0,40. Kedoengwoeni — Bodjong, waoenipoen f 0,45, sapoenika f 0,20. Mangga pinten % soedanipoen? Manawi paosipoen boten dipoensoeda rak inggih mesakaken sanget, ta!

Pamedalipoen nagari soeda 44 joeta.

Wiwit woelan Djanoewari doemoegi akiripoen Agoestoer taoen poenika, pangasilanipoen nagari wonten f 401.644.818. Mangka taoen kapengker ing woelan waoe f 446.519.184. Dados soeda 44 miljoen roepijah.

Konggrès P. P. I. I.

Béndjing 17 Désèmber doemoegi 19 Désèmber ing Soerabaja badé kanggé ngadjangi konggrès P.P.I.I. ingkang kaping kalih.

Arta kertas ingkang karisak.

Salebetipoen woelan October, arta kertas ingkang karisak ing Algemeene Kamer: damelan Nederland 480.000 lembar à f 2,50, lan kertas njaroepijahan 880.000 lembar: Damelan Amérika: arta kertas njaringgitan 40.000 lembar.

Centraal Seminarie.

Kanggé pandita Protestant bangsa Indonesia.

Rerembaganipoen para wawakil-ing pasamoewan Protestant ing Betawi, amoetoer anetepaken wontenipoen studiecommissie ingkang kapoerih njinaoe badé ngadegaken centraal seminarie wonten tanah Djawi kanggé pandita bangsa Indonesia, dangoening pasinaon nem taoen, ingkang moelang goeroe-goeroe wedalan akademi.

Wooloe wedaling siti.

Pambantoe Bat. Nieuwsblad ing Soekaboemi njarijosaken bilih tetijang tani inggih sami toemoet ngrasaken pamalinderipoen pangiridan. Klapa 1000 wonten ing peken namoeng dipoenawis f 10,— dados namoeng sasèn satoenggal. Kapoek ingkang waoenipoen regi f 3,50 satingah, namoeng dipoenawis f 0,70— f 1,—.

Njoeda oekoeman.

Papriksanipoen tijang ingkang medjahi administatoer ing Aloergading Deli, t. Waller sampoen rampoenng. Tijang tiga ingkang kapoetoer kaokoem pedjah, sami njowoer pangapoenten (gratie) datang Ingkang Witjaksana, sarta oekoemanipoen ladjeng kaéwahan dados kaokoem salaminipoem gesang.

Kadjawi poenika wonten dakwa prakawis Waller katahipoen 33 sasampoenipoen kapoetoer ing Landraad kapatrapan paekoeman, sami nglampahaken panjoewoenan gratie, sarta kaparengaken, soedanang oekgemanipoen ratjak ngantos sapalih kadosta:

Dakwa nomer satoenggal kapoetoer 7 taoen, sasampoenipoen njowoer gratie kasoeda dados 3 taoen. Dakwa nomer kalih kapoetoer 12

taoen, éwah dados 4 taoen.

Dakwa nomer tiga: 7 taoen, éwah dados 3 taoen.

Dakwa nomer sakawan: 7 taoen, éwah dados 3 taoen.

Dakwa nomer gangsal: 8 taoen. éwah dados 3½ taoen.

Dakwa nomer nem: 7 taoen, éwah dados 3 taoen.

Dakwa nomer pitoe: 7 taoen éwah dados 3 taoen.

Dakwa nomer woloe: 8 taoen, éwah dados 3½ taoen.

Dakwa nomer sanga: 7 taoen, éwah dados 3 taoen.

Dakwa nomer sadasa: 6 taoen, éwah dados 2½ taoen.

Makaten saladjengipoen [Deli Crt].

Kopi malang, soeda.

Margi pandjangan mangsa ketiga, kopi ing kabodidajan-kabodidajan Malang Kidoel, sapalih boten medal, bokmanawi pamedalipoen badé soeda 40.000 pikoel tinimbang mesti-nipoen.

MANTJA NAGARI.

BARITANIJAH. Pogokan poeng-gawa sepoer?

Tilgram saking Londen 17 Nov. njarijosaken pakempalanipoen para poenggawa sepoer anampik poetoer-sanipoen maskapé-maskapé sepoer anggènipoen nedya ngedakaken berahaning poenggawa-poenggawani-poen. Tetijang sami koewatos, manawi golongan maskapé ngentjengi poetoer-sanipoen, bokmanawi badé wonten pogokan oemoem kanggé kaom berah sepoer.

INDO CHINA. G. G. Indonesia mèh katjilakakan.

Kados ingkang katjarijosaken ing serat-serat kabar. G. G. Indija sa-

weg martamoe datang Indo China.

Kala 7 November boten let dangoe kalijan langkoengipoen extra-trein ingkang dipoentitih G. G. Indija lan G. G. Indo China, datang Hanoi lan Hue, ing saeroeting margi sepoer Annam Lèr wonten gègeran. Wantji tengah daloe, wonten tijang kominis 600 nradjang padjagèn militèr ing Canloc, nanging saged kaoendoeraken kanti kètjalan kantja kalih pedjah, tiga tatoe.

Ing Huongson, kantja kominis inggih tjampoeh kalijan patroli, nanging saged kabibaraken.

Tijang kominis 500 madjeng datang Yenthan badé ngrebat setatsi-joen Chasi, sarta nawan sèp-setatsi-joen, sèp setatsi-joen saged loear. Tijang kominis poenika ingkang pedjah 4, tatoe 4, sarta ladjeng saged kabibaraken. Èndjing djam 9, kominis sami nggolong (wonten 1.500) nempoeh bètèng Phudien nanging, inggih saged kaoendoeraken, sarta kètjalan kantja 30 pedjah.

DJERMAN. Anti Sovjet.

Ing Djerman mentas wonten meeting anti-sovjet.

SEPANJOL. Pogokan.

Tilgram tanggal 16 Nov. njarijosaken pogokan ing Madrid saja dangoe saja katawis anggènipoen asipat brontak, amila nagari ladjeng angondangaken oendang-perang. Toko-toko sami katoetoep, margimargi sepen, ingkang ngalèr ngidoel namoeng soeldadoe djagi. Pawartos tanggal 17 njarijosaken toko-toko sampoen kabikak. Ing Barcelona oegi wonten pogokan, ambelani Madrid.